

BEATI NICOLAI TAVILEI

MARTYRIS

Introitus

Ps. 63, 11



LÆTÁBITUR justus in Dómino,
et sperábit in eo : et lauda-
búntur omnes recti corde.

Ps. *ibid.*, 2. Exáudi, Deus,
oratióem meam cum deprecor : a
timóre inimíci éripe ánimam meam.
V. Glória Patri. Lætábitur.

Oratio

DEUS, qui beátum Nicoláum fidei
propagándæ zelo et martýrii
palma gloriósum effecísti : præsta
nobis, quæsumus; ut, ejus exémplo
et intercessióne viam mandatórum
tuórum currétes, æternæ vitæ bra-
vium accípere mereámur. Per Dó-
minum.

Et fit Commemoratio S. Josaphat
Ep. et Mart. :

Oratio

EXCITA, quæsumus, Dómine, in
Ecclésia tua Spíritum, quo re-
plétus beátus Jósaphat Martyr et
Póntifex tuus ánimam suam pro óvi-
bus pósuit : ut, eo intercedénte, nos
quoque eódem Spíritu moti ac robo-
ráti, ánimam nostram pro frátribus
pónere non vereámur. Per Dómi-
num... in unitáte ejúsdem Spíritus.
Lectio Epístolæ beáti Pauli Apóstoli
ad Timótheum

2 Tim. 2, 8-10; 3, 10-12

CARÍSSIME : Memor esto, Dóminum
Jesum Christum resurrexisse a
mórtuis ex sémine David, secúndum
Evangélium meum, in quo labóro
usque ad víncula, quasi male óperans :
sed verbum Dei non est alligátum.
Ideo ómnia sustíneo propter eléctos,
ut et ipsi salútem consequántur, quæ
est in Christo Jesu, cum glória cælesti.

Tu autem assecútus es meam doctri-
nam, institutióem, propósitum, fi-
dem, longanimitátem, dilectiόem,
patiéntiam, persecutiόes, passiόes :
quália mihi facta sunt Antiochiæ,
Icónii et Lystris : quales persecutiό-
nes sustínui, et ex ómnibus erípuit
me Dóminus. Et omnes, qui pie vo-
lunt vívere in Christo Jesu, persecu-
tiόem patiéntur.

Graduale. Ps. 36, 24. Justus cum
ceciderit, non collidétur : quia Dó-
minus suppónit manum suam. V. *Ibid.*,
26. Tota die miserétur, et cómmodat :
et semen ejus in benedictiόe erit.

Allelúja, allelúja. V. Joann. 8, 12.
Qui séquitur me, non ámbulat in
ténébris : sed habébit lumen vitæ
æternæ. Allelúja.



Sequéntia sancti Evangélii se-
cúndum Matthæum

Matth. 10, 26-32

IN illo témpore : Dixit Jesus disci-
pulis suis : Nihil est opértum,
quod non revelábitur : et occúltum,
quod non sciétur. Quod dico vobis
in ténebris, dicite in lúmine : et quod
in aure auditis, prædicáte super tecta.
Et nolite timére eos, qui occídunt
corpus, ánimam autem non possunt
occidere : sed pótius timéte eum qui
potest et ánimam et corpus pérdere
in gehénnam. Nonne duo pásseres
asse véneunt : et unus ex illis non
cadet super terram sine Patre vestro?
Vestri autem capílli cápitis omnes
numeráti sunt. Nolite ergo timére :
multis passéribus meliόres estis vos.
Omnis ergo qui confitébitur me co-
ram homínibus, confitébor et ego eum
coram Patre meo, qui in cælis est.

Offertorium. Ps. 20, 4-5. Posuisti, Dómine, in cápite ejus corónam de lápide pretiósó : vitam pétiit a te, et tribuísti ei, allelúja.

Secreta

ACCÉPTA sit in conspéctu tuo, Dómine, nostra devótio : et ejus nobis fiat supplicatióne salutáris, pro cujus solemnitáte defértur. Per Dóminum.

Pro S. Josaphat

Secreta

CLEMENTÍSSIME Deus, múnera hæc tua benedictióne perfúnde, et nos in fide confírma : quam sanctus Jósaphat Martyr et Póntifex tuus, effúso ságuine, assérui. Per Dóminum.

Communio. Joann. 12, 26. Qui mihi ministrat, me sequátur : et ubi sum ego, illic et mínister meus erit.

Postcommunio

REFÉCTI participatióne múnieris sacri, quæsumus, Dómine Deus noster : ut, cujus exséquimur cultum, intercedénte beáto Nicoláo Mártire tuo, sentiámus efféctum. Per Dóminum.

Pro S. Josaphat

Postcommunio

SPÍRITUM, Dómine, fortitúdinis hæc nobis tríbuat mensa cæléstis : quæ sancti Jósaphat Mártiris tui atque Pontíficis vitam pro Ecclésiæ honóre júgiter áluit ad victóriam. Per Dóminum.

Imprimatur.

Diacovæ in Croatia, die XVIII Junii MCMXXXVII.


† ANTONIUS, M. P.

EPISCOPUS ET ADMINISTRATOR APOSTOLICUS

Imprimé en France.

45754. — Turonibus, typis Mame.

MISSÆ PROPRIÆ
SANCTORUM
ARCHIDIŒCESIS ZAGREBIENSIS



1927
RATISBONÆ
SUMPTIBUS ET TYPIS FRIDERICI PUSTET
SEDIS APOSTOLICÆ ET S. RITUUM CONGREGATIONIS TYPOGRAPHI

ZAGRABIEN.

Rev^mus Dñus Antonius Bauer, archiepiscopus Zagrabiensis, SS^mo Dño nostro Pio Papæ XI humiliter exposuit quod, publicato novo Missali Romano anno 1920, necessitas emersit typis mandandi Proprium Missarum ad usum suæ Archidioecesis: atque ita concinnandum curavit, ut contineret formulas e veteri Proprio Zagrabiensi desumptas, nempe Missas Proprias tam pro universa Archidioecesi juxta Kalendarium diöcesanum adprobatum die 26 Julii 1914, quam pro particularibus ecclesiis ejusdem Archidioecesis; ipsumque Proprium revisioni et approbationi Apostolicæ Sedis reverenter subjecit. Sacra porro Rituum Congregatio, vigore facultatum sibi specialiter ab ipso SS^mo Dño nostro tributarum, enuntiaturum Proprium Missarum ante revisum, prouti in superiori prostat exemplo, adprobavit; illudque ab universo Clero Archidioecesis Zagrabiensis, aliisque Kalendario diöcesano legitime utentibus habendum benigne concessit; servatis Rubricis. Contrariis non obstantibus quibusque. Die 14 Julii 1926.

S.)

Angelus Mariani, S. R. C. Secretarius

/1926.

Philippus di Fava, Subsecretarius

Concordat cum Originali.

Zagrebiae, die 23 Septembris 1926.

Joannes Barlè, Cancellarius

Imprimatur.

Ratisbonæ, die 5 Julii 1927

Pro Vic. Gen.

Kiefl



MISSÆ PROPRIÆ

PRO

UNIVERSA ARCHIDIOECESI ZAGREBIENSI

juxta Kalendarium a S. R. C. revisum et adprobatum die 26 Julii 1914

Die 4 Maji

S. Floriani Martyris
Patroni minus principalis Archid.

Introitus Ps. 63, 3

Protexisti me, Deus, a convéntu malignántium, allelúja: a multitúdine operántium iniquitátem, allelúja, allelúja. **Ps. ibid., 2**

Exáudi, Deus, oratióem meam, cum déprecor: a timóre inimíci éripe ánimam meam. **V. Glória Patri.**

Oratio

Præsta, quæsumus, omnipotens Deus: ut, intercedente beáto Floriáno Mártire tuo, et a cunctis adversitátibus liberémur in corpore, et a pravis cogitátionibus mundémur in mente. Per Dóminum.

Et fit Commemoratio S. Monicae Viduæ:

Oratio

Deus, mæréntium consolátor et in te sperántium salus, qui beátæ Mónicae pias lácrimas in conversióne filii sui Augustíni misericórditer suscepísti: da nobis utriusque intervéntu; peccáta nostra deplo-ráre, et grátiae tuæ indulgéntiam inveníre. Per Dóminum.

Léctio Epístolæ beáti Petri Apóstoli
1 Petri 1, 3-7

Benedictus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem et incontaminátam et immarcescibilem, conservátam in cælis in vobis, qui in virtúte Dei custodímini per fidem in salútem, parátam revelári in témpore novísimo. In quo exsultábitis, módicum

nunc si opórtet contristári in váriis tentatióibus: ut probátio vestrae fidei multo pretiósior auro (quod per ignem probátur) inveniátur in laudem et glóriam et honórem, in revelatióne Jesu Christi, Dómini nostri.

Allelúja, allelúja. **V. Ps. 88, 6** Confitebúntur cæli mirabilia tua, Dómine: étenim veritátem tuam in ecclésia sanctórum. Allelúja. **V. Ps. 20, 4** Posuísti, Dómine, super caput ejus corónam de lápide pretiósio. Allelúja.



Sequéntia sancti Evangélíi secúndum Joánnem

Joann. 15, 1-7

In illo témpore: Dixit Jesus discipulis suis: Ego sum vitis vera: et Pater meus agricola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Offertorium Ps. 88, 6 Confitebúntur cæli mirabilia tua, Dómine: et veritátem tuam in ecclésia sanctórum, allelúja, allelúja.

Secreta

Accépta sit in conspéctu tuo, Dómine, nostra devótio: et ejus nobis fiat supplicatióne salutaris, pro cujus sollemnitate (commemoratióne) defértur. Per Dóminum nostrum.

Pro S. Monica

Secreta

Accépta tibi sit, Dómine, sacratæ plebis oblátio pro tuórum honóre Sanctórum: quorum se méritis de tribulatióne percepisse cognóscit auxílium. Per Dóminum.

Communio Ps. 63, 11 Lætábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio

Refécti participatióne múnieris sacri, quæsumus, Dómine, Deus noster: ut, cujus exséquimur cultum; intercedénte beáto Floriáno Mártire tuo, sentiámus efféctum. Per Dóminum.

Pro S. Monica Postcommunio

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum.

Die 4 Junii

S. Quirini Ep. et Mart.

Introitus

Ps. 63, 3

Protexísti me, Deus, a convéntu malignántium, allelúja: a multitúdine operántium iniquitátem, allelúja, allelúja. **Ps. ibid., 2** Exáudi, Deus, oratióem meam, cum deprecor: a timóre inimíci éripe ánimam meam.

V. Glória Patri.

Oratio

Infirmi-tatem nostram respice, omnipotens Deus: et, quia pondus propriæ actionis gravat, beati Quirini Martyris tui atque Pontificis intercessio gloriosa nos protegat. Per Dominum.

Et fit Commemoratio S. Francisci Caracciolo Confessoris:

Oratio

Deus, qui beatum Franciscum, novi ordinis institutorem, orandi studio et pœnitentiæ amore decorasti: da famulis tuis in ejus imitatione ita proficere; ut, semper orantes et corpus in servitum redigentes, ad cœlestem gloriam pervenire mereantur. Per Dominum nostrum.

Lectio Epistolæ beati Jacobi Apostoli

Jac. 1, 12-18

Carissimi: Beatus vir, qui suffert tentationem: quoniam, cum probatus fuerit, accipiet coronam vitæ, quam repromisit Deus diligentibus se. Nemo, cum tentatur, dicat, quoniam a Deo tentatur: Deus enim intentator malorum est: ipse autem neminem tentat. Unusquisque vero tentatur a concupiscentia sua abstractus et illectus. Deinde concupiscentia cum conceperit, parit peccatum: peccatum vero cum consummatum fuerit, generat mortem. Nolite itaque errare, fratres mei dilectissimi. Omne datum optimum et omne donum perfectum desursum est, descendens a Patre luminum, apud quem non est transmutatio nec vicissitudinis obumbratio. Voluntarie enim genuit nos verbo veritatis, ut simus initium aliquod creaturæ ejus.

Allelúja, allelúja. **V. Ps. 88, 6** Confitebuntur cæli mirabilia tua, Domine: etenim veritatem tuam in ecclesia sanctorum. Allelúja. **V. Ps. 20, 4** Posuisti, Domine, super caput ejus coronam de lapide pretioso. Allelúja.



Sequentia sancti Evangelii secundum Joannem

Joann. 15, 1-7

In illo tempore: Dixit Jesus discipulis suis: Ego sum vitis vera: et Pater meus agricola est. Omnem palmitem in me non ferentem fructum, tollet eum: et omnem, qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: et ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, et arescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis.

Offertorium Ps. 88, 6 Confitebuntur cæli mirabilia tua, Domine: et veritatem tuam in ecclesia sanctorum, allelúja, allelúja.

Secreta

Hóstias tibi, Domine, beati Quirini Martyris tui atque Pontificis dicatas meritis, benignus assume: et ad perpetuum nobis tribue provenire subsidium. Per Dominum nostrum.

Pro S. Francisco Caracciolo
Secreta

Da nobis, clementissime Jesu: ut, præclára beáti Francísci mérita recoléntes, eódem nos, ac ille, caritátis igne succénsi, digne in circúitu sacræ hujus mensæ tuæ esse valeámus: Qui vivis.

Communio Ps. 63, 11 Lætábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio

Refécti participatióne múnieris sacri, quæsumus, Dómine, Deus noster: ut, cujus exséquimur cultum; intercedénte beáto Quiríno Mártire tuo atque Pontífice, sentiámus efféctum. Per Dóminum.

Pro S. Francisco Caracciolo
Postcommunio

Sacrosáncti sacrificii, quæsumus, Dómine, quod hódie in sollemnitáte beáti Francísci tuæ obtúlimus majestáti, grata semper in méntibus nostris memória perseveret et fructus. Per Dóminum.

✠ **Extra Tempus Paschale Missa**
Státuit, de Communi unius Martyris 1. loco.

Die 27 Junii

S. Ladislai Regis, Confessoris
Patroni principalis Archidiœcesis

Introitus Ps. 36, 30-31



s justi meditábitur sapiéntiam, et lingua ejus loquétur judícium: lex Dei ejus in corde ipsíus.

Ps. ibid., 1 Noli æmulári in malignántibus: neque zeláveris faciéntes iniquitátem.

℣. Glória Patri.

Oratio

Deus, qui beátum regem Ladisláum Confessórem tuum diversis decorásti miráculis: præsta, quæsumus; ut, ejus suffragántibus méritis, ab ómnibus semper muniámur advérsis, et gáudiis perfruámur ætérnis. Per Dóminum nostrum.

Léctio libri Sapiéntiæ
Sap. 10, 10-14

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illíus. In fraude circumveniéntium illum áfuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret et sciret, quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem ætérnam, Dóminus, Deus noster.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **℣. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **℣. Jac. 1, 12** Beátus vir, qui suffert tentatióem: quóniam, cum probátus fúerit, accípiet corónam vitæ. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in sáeculum sáeculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Jac. 1, 12** Beátus vir, qui suffert tentatiónem: quóniam, cum probátus fúerit, accípiet corónam vitæ. Allelúja. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúja.



Sequéntia sancti Evangélíi secúndum Lucam

Luc. 12, 35-40

In illo témpore: Dixit Jesus discí-
pulis suis: Sint lumbi vestri præ-
cíncti, et lucérnæ ardéntes in má-
nibus vestris, et vos símiles homí-
nibus exspectántibus dóminum su-
um, quando revertátur a nuptiis:
ut, cum vénerit et pulsáverit, con-
féstim apériant ei. Beáti servi illi,
quos, cum vénerit dóminus, invé-
nerit vigilántes: amen, dico vobis,
quod præcínget se, et fáciat illos
discúmbere, et tránsiens ministrá-
bit illis. Et si vénerit in secúnda
vigília, et si in tértia vigília véne-
rit, et ita invénerit, beáti sunt ser-
vi illi. Hoc autem scitóte, quóniam,
si sciret paterfamílias, qua hora fur
veníret, vigiláret útique, et non sí-
neret pérfodi domum suam. Et vos
estóte paráti, quia, qua hora non
putátis, Fílius hóminis véniet.

Credo.

Offertorium Ps. 88, 25 Véritas mea
et misericórdia mea cum ipso: et in
nómine meo exaltábitur cornu ejus.

Secreta

Hóstias piæ placatiónis offéri-
mus cleméntiæ tuæ, omnípo-
tens Deus: quas beáti regis Ladis-
láí Confessóris tui méritis et pré-
cibus placátus accípias, et clemén-
ter dispenses. Per Dóminum.

Communio Matth. 24, 46-47 Beá-
tus servus, quem, cum vénerit dó-
minus, invénerit vigilántem: amen,
dico vobis, super ómnia bona sua
constítuet eum.

Postcommunio

Sacraménta, Dómine, salutária
suméntes, cleméntiam tuam hu-
míliter exorámus: ut, intercessióne
beáti regis Ladisláí Confessóris tui;
et præsentibus non destituámur
subsídiis, et gáudiis perfruámur æ-
térnis. Per Dóminum.

Die 5 Iulii

Ss. Cyrilli et Methodii Epp. et Cc.
Patronorum Prov. Ecclesiast.

Introitus

Ps. 131, 9-10

Sacerdótes tui, Dómine, ín-
duant justítiam, et sancti
tui exsúltent: propter Da-
vid servum tuum, non
avértas faciém Christi tui. **Ps. ibid., 1**
Meménto, Dómine, David: et omnis
mansuetúdinis ejus. **V.** Glória Patri.

Oratio

Omnípotens sempitérne Deus,
qui Slavóniæ gentes per beá-
tos Confessóres tuos atque Pontí-
fices Cyrillum et Methódium ad
agnitiónem tui nóminis veníre tri-
buísti: præsta; ut, quorum festivi-
táte gloriámur, eórum consórtio co-
pulémur. Per Dóminum.

Léctio Epístolæ beāti Pauli Apóstoli ad Hebræos **Hebr. 7, 23-27**

Fratres: Plures facti sunt sacerdotes, idcirco quod morte prohiberentur permanere: Jesus autem, eo quod maneat in ætérnum, sempitérnum habet sacerdotium. Unde et salvare in perpétuum potest accedentes per semetipsum ad Deum: semper vivens ad interpellandum pro nobis. Talis enim decébat, ut nobis esset pöntifex, sanctus, innocens, impollútus, segregátus a peccatoribus, et excelsior cælis factus: qui non habet necessitatem cotidie, quemádmódum sacerdotes, prius pro suis delictis hóstias offerre, deinde pro pópuli: hoc enim fecit semel, seipsum offerendo, Jesus Christus, Dóminus noster.

Graduale Ps. 131, 16-17 Sacerdotes ejus induam salutári: et sancti ejus exsultatióne exsultábunt. **V.** Illuc producam cornu David: parávi lucérnam Christo meo.

Allelúja, allelúja. **V. Ps. 109, 4** Jurávit Dóminus, et non pænitébit eum: Tu es sacérdos in ætérnum, secúndum órđinem Melchisedech. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiæ in domo ejus: et justítia ejus manet in sáculum sáculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Ps. 109, 4** Jurávit Dóminus, et non pænitébit

eum: Tu es sacérdos in ætérnum, secúndum órđinem Melchisedech. Allelúja. **V. Eccli. 45, 9** Amávit eum Dóminus, et ornávit eum: stolam glóriæ induit eum. Allelúja.



Sequéntia sancti Evangélíi secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum neque peram neque calceaménta; et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiéscet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducaté quæ apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei. **Credo.**

Offertorium Ps. 67, 36 Mirábilis Deus in Sanctis suis: Deus Israel, ipse dabit virtútem et fortitúdinem plebi suæ: benedíctus Deus.

Secreta

Preces nostras, quæsumus, Dómine, et tuórum réspice oblaciones fidélium: ut tibi gratae sint

in tuórum festivitáte Sanctórum, et nobis cónferant tuæ propitiatiónis auxílium. Per Dóminum.

Communio *Matth. 10, 27* Quod dico vobis in ténebris, dícite in lúmine, dicit Dóminus: et quod in aure audítis, prædicáte super tectá.

Postcommunio

Quæsumus, omnípotens Deus: ut, qui nobis múnera dignáris præbere cæléstia, intercedéntibus sanctis tuis Cyrílló et Methódio, despícere terréna concédas. Per Dóminum nostrum.

Die 3 Augusti

B. Augustini Cazzotti

Ep. et Conf.

Introitus

Eccli. 45, 30

Státuit ei Dóminus testaméntum pacis, et príncipem fecit eum: ut sit illi sacerdótii dígnitas in ætérnum. *Ps. 131, 1* Meménto, Dómine, David: et omnis mansuetúdinis ejus. *V. Glória Patri.*

Oratio

Deus, qui Ecclésiæ tuæ in beáto Augustíno Confessóre tuo atque Pontífice boni pastóris exémpum providére dignátus es: concéde propítius; ut ejus intercessióne in loco páscuæ tuæ perpétuo collócári mereámur. Per Dóminum.

Et fit Commemoratio S. Stephani Protomartyris:

Oratio

Da nobis, quæsumus, Dómine, imitári quod cólimus: ut discámus et inimícos díligere; quia ejus Inventiόνem celebrámus, qui novit étiam pro persecutóribus exoráre Dóminum nostrum Jesum

Christum, Fílium tuum: Qui tecum vivit et regnat.

Léctio libri Sapiéntiæ

Eccli. 44, 16-27; 45, 3-20

Ecce sacérdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum ætérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nómine ipsíus, et offérre illi incénsum dignum in odórem suavitátis.

Graduale *Eccli. 44, 16* Ecce sacérdos magnus, qui in diébus suis plácuít Deo. *V. Ibid., 20* Non est invéntus símilis illi, qui conserváret legem Excélsi.

Allelúja, allelúja. *V. Ps. 109, 4* Tu es sacérdos in ætérnum, secúndum órđinem Melchisedech. Allelúja.



Sequéntia sancti Evangélli secúndum Matthæum

Matth. 25, 14-23

In illo témpore: Dixit Jesus discí-pulis suis parábolam hanc: Homo péregre proficíscens vocávit servos suos, et trádedit illis bona sua. Et uni dedit quinque talénta, álíi autem duo, álíi vero unum, unicuique se-

cúndum própriam virtútem, et prófectus est statim. Abiit autem, qui quinque talénta accéperat, et operátus est in eis, et lucrátus est ália quinque. Simíliter et, qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúni-
am dómini sui. Post multum vero témporis venit dóminus servórum illórum, et pósuit ratiónem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidísti mihi, ecce, ália quinque superlucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constituam: intra in gáudium dómini tui. Accéssit autem et qui duo talénta accéperat, et ait: Dómine, duo talénta tradidísti mihi, ecce, ália duo lucrátus sum. Ait illi dóminus ejus: Euge, serve bone et fidélis, quia super pauca fuísti fidélis, super multa te constituam: intra in gáudium dómini tui.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

Sancti tui, quæsumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Pro S. Stephano Protomart.

Secreta

Súscipe, Dómine, múnera pro tuórum commemoratióne Sanctórum: ut, sicut illos pássio glorió-

sos effécit; ita nos devótio reddat innócuos. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Augustíno Confessóre tuo atque Pontífice, benefícia potióra sumámus. Per Dóminum.

Pro S. Stephano Protomart.

Postcommunio

Auxiliéntur nobis, Dómine, sumpta mystéria: et, intercedénte beáto Stéphanó Mártire tuo, sempitérna protectióne confirment. Per Dóminum nostrum.

Die 20 Augusti

S. Stephani Regis, Conf.

Titularis Ecclesiæ Metropolitanæ

Introitus

Ps. 91, 13-14

Justus ut palma florébit: sicut cedrus Líbani multiplicábitur: plantátus in dómo Dómini: in átriis domus Dei nostri. **Ps. 36, 1** Noli æmulári in malignántibus: neque zeláveris faciéntes iniquitátem.

V. Glória Patri.

Oratio

Concède, quæsumus, Ecclésiæ tuæ, omnípotens Deus: ut beátum Stéphanum Confessórem tuum, quem regnántem in terris propagatórem hábuit, propugnatórem habére mereátur gloriósum in cælis. Per Dóminum.

Et, in Missis privatis tantum, fit Commemoratio S. Bernardi Abbatis et Eccl. Doct.:

Oratio

Deus, qui pópulo tuo æternæ salutis beátum Bernárdum ministrum tribuísti: præsta, quæsumus; ut, quem Doctórem vitæ habuimus in terris, intercessórem habére mereámur in cælis. Per Dóminum nostrum.

Léctio libri Sapiéntiæ

Eccli. 31, 8-11

Beátus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirábilia in vita sua. Qui probátus est in illo, et perfectus est, erit illi glória æterna: qui pótuit transgredi, et non est transgréssus: fácere mala, et non fecit: ideo stabilita sunt bona illius in Dómino, et eleemósynas illius enarrábit omnis ecclésia sanctórum.

Graduale Ps. 36, 30-31 Os justi meditábitur sapiéntiam, et lingua ejus loquétur judícium. **V.** Lex Dei ejus in corde ipsius, et non supplantabúntur gressus ejus.

Allelúja, allelúja. **V. Ps. 111, 1** Beátus vir, qui timet Dóminum: in mandátis ejus cupit nimis. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiæ in domo ejus: et justítia ejus manet in sæculum sæculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Ps. 111, 1** Beátus vir, qui timet Dóminum: in mandátis ejus cupit nimis. Allelúja. **V. Osee 14, 6** Justus germinábit sicut lílium: et florébit in ætérnum ante Dóminum. Allelúja.



Sequéntia sancti Evangélíi secúndum Lucam **Luc. 19, 12-26**

In illo témpore: Dixit Jesus discipulis suis parábolam hanc: Homo quidam nóbilis ábiit in regiónem longínquam accípere sibi regnum, et revérti. Vocátis autem decem servis suis, dedit eis decem mnas, et ait ad illos: Negotiámini, dum vénio. Cives autem ejus óderant eum: et misérunt legatiónem post illum, dicéntes: Nólumus hunc regnare super nos. Et factum est, ut redíret accépto regno: et jussit vocári servos, quibus dedit pecúniam, ut sciret, quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis, quod non posuísti, et metis, quod non seminásti. Dicit ei: De ore tuo te júdico, serve nequam. Sciébas, quod ego homo austérus sum, tollens, quod non pósui, et metens, quod non seminávi: et quare non dedísti pecúniam meam ad mensam, ut ego vé-

niens cum usúris útique exegíssem illam? Et astántibus dixit: Auférte ab illo mnam et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et, quod habet, auferétur ab eo. **Credo.**

Offertorium Ps. 20, 2-3 In virtúte tua, Dómine, lætábitur justus, et super salutáre tuum exsultábit veheménter: desidérium ánimæ ejus tribuísti ei.

Secreta

Sacrificium, Dómine, quod tuæ offérimus majestáti, benigno vultu réspice: et, intercessióne beáti regis Stéphaní Confessóris tui, nos ab ómnium inimicórum insídiis défende et vitæ æternæ præmia concéde. Per Dóminum.

Pro S. Bernardo Secreta

Sancti Bernárdi Confessóris tui atque Doctóris nobis, Dómine, pia non desit orátio: quæ et múnera nostra concíliet; et tuam nobis indulgéntiam semper obtineat. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constitúet eum.

Postcommunio

Tuere, quæsumus, Dómine, familiam tuam: et quam per doctrinam beáti regis Stéphaní Confessóris tui, de ténebris ad veram lucem convertísti: eam post hujus témporis decúrsum, percépti sacrificii munímine, cleménter perdú-

cas ad regna cælórum. Per Dóminum nostrum.

Pro S. Bernardo Postcommunio

Ut nobis, Dómine, tua sacrificia dent salutem: beátus Bernárdus Confessor tuus et Doctor egregius, quæsumus, precátor accédât. Per Dóminum.

Die 25 Augusti

In Dedicatione Ecclesiæ Metropolitanæ

Missa Terribilis, de Communi Dedicationis Ecclesiæ.

Et, in Missis privatis tantum, fit Commemoratio S. Ludovici Regis, Confessoris:

Oratio

Deus, qui beátum Ludovicum Confessórem tuum de terréno regno ad cæléstis regni glóriam transtulísti: ejus, quæsumus, méritis et intercessióne; Regis regum Jesu Christi, Fílii tui, fácias nos esse consórtes: Qui tecum.

Pro S. Ludovico Secreta

Præsta, quæsumus, omnípotens Deus: ut, sicut beátus Ludovicus Confessor tuus, spretis mundi oblectaméntis, soli Regi Christo placére stúduit; ita ejus orátio nos tibi reddat accéptos. Per eúndem Dóminum nostrum.

Pro S. Ludovico Postcommunio

Deus, qui beátum Confessórem tuum Ludovicum mirificásti in terris, et gloriósum in cælis fecísti: eúndem, quæsumus, Ecclesiæ tuæ constitúe defensórem. Per Dóminum nostrum.

Die 7 Septembris

Beati Marci Crisini Martyris,
Canonici Strigoniensis

Introitus

Ps. 63, 11



Laetabitur justus in Domino, et sperabit in eo: et laudabuntur omnes recti corde. Ps. *ibid.*, 2 Exaudi, Deus, orationem meam, cum deprecor: a timore inimici eripe animam meam.

V. Glória Patri.

Oratio

Deus, qui hanc diem beati Marci Martyris tui triumpho consecrasti: exaudi preces populi tui et presta; ut, qui ejus merita veneramur, fidei constantiam imitemur. Per Dominum.

Lectio Epistolae beati Pauli Apostoli ad Timotheum

2 Tim. 2, 8-10; 3, 10-12

Carissime: Memor esto, Dominum Jesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi male operans: sed verbum Dei non est alligatum. Ideo omnia sustineo propter electos, ut et ipsi salutem consequantur, quae est in Christo Jesu, cum gloria caelesti. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: qualia mihi facta sunt Antiochia, Iconii et Lystris: quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Jesu, persecutionem patientur.

Graduale Ps. 36, 24 Justus cum ceciderit, non collidetur: quia Dominus supponit manum suam. V. *Ibid.*, 26 Tota die miseretur, et commodat: et semen ejus in benedictione erit.

Allelúja, allelúja. V. Joann. 8, 12 Qui sequitur me, non ambulat in tenebris: sed habebit lumen vitae aeternae. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beatus vir, qui timet Dominum: in mandatis ejus cupit nimis. V. Potens in terra erit semen ejus: generatio rectorum benedicetur. V. Glória et divitiae in domo ejus: et justitia ejus manet in saeculum saeculi.



Sequentia sancti Evangelii secundum Matthaeum

Matth. 10, 26-32

In illo tempore: Dixit Jesus discipulis suis: Nihil est opertum, quod non revelabitur; et occultum, quod non sciatur. Quod dico vobis in tenebris, dicite in lumine: et quod in aure auditis, praedicite super tecta. Et nolite timere eos, qui occidunt corpus, animam autem non possunt occidere; sed potius time eum, qui potest et animam et corpus perdere in gehennam. Nonne duo passeret asse véneunt: et unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confitebor et ego eum coram Patre meo, qui in caelis est.

Offertorium Ps. 20, 4-5 Posuisti, Dómine, in cápite ejus corónam de lápide pretiósó: vitam pétiit a te, et tribuisti ei, allelúja.

Secreta

Hanc oblatiónem, omnípotens Deus, beáti Marci mérita tibi reddant accéptam: et ipsíus subsidiis adjúti, glóriæ ejus consórtes efficiámur. Per Dóminum.

Communio Joann. 12, 26 Qui mihi ministrat, me sequátur: et ubi sum ego, illic et mínister meus erit.

Postcommunio

Súmpsimus, Dómine, æternæ vitæ sacraménta: te humíliter deprecántes; ut, beáto Marco Mártire tuo pro nobis intercedénte, véniam nobis concíliet et grátiam. Per Dóminum nostrum.

Die 8 Octobris

S. Demetrii Martyris

Introitus

Ps. 20, 2-3

In virtúte tua, Dómine, lætábitur justus: et super salutáre tuum exsultábit veheménter: desidérium ánimæ ejus tribuisti ei. **Ps. ibid., 4** Quóniam prævenísti eum in benedictiónibus dulcédinis: posuísti in cápite ejus corónam de lápide pretiósó.

V. Glória Patri.

Oratio

Deus, qui beátum Demétrium, Mártirem tuum, virtútum signis claríficas: ejus nos, quæsumus, intervéntu a cunctis reátibus et a malis, quæ pro eis merémur, absólve propítius. Per Dóminum nostrum.

Et fit Commemoratio S. Birgittæ Viduæ:

Oratio

Dómine, Deus noster, qui beátæ Birgittæ per Fílium tuum unigénitum secréta cæléstia revelásti: ipsíus pia intercessióne da nobis, fámulis tuis; in revelatióne sempiternæ glóriæ tuæ gaudére lætántes. Per eúndem Dóminum.

Léctio libri Sapiéntiæ

Sap. 10, 10-14

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret et sciret, quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum: et dedit illi claritátem æternam, Dóminus, Deus noster.

Graduale Ps. 111, 1-2 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur.

Allelúja, allelúja. **V. Ps. 20, 4** Posuísti, Dómine, super caput ejus corónam de lápide pretiósó. Allelúja.



Sequéntia sancti Evangélii secúndum Matthæum

Matth. 10, 34-42

In illo témpore: Dixit Jesus discí-
pulis suis: Nolíte arbitrári, quia
pacem vénerim mittere in terram:
non veni pacem mittere, sed gládi-
um. Veni enim separáre hóminem
advérsus patrem suum, et fíliam
advérsus matrem suam, et nurum
advérsus socrum suam: et inimíci
hóminis doméstici ejus. Qui amat
patrem aut matrem plus quam me,
non est me dignus: et qui amat fí-
lium aut fíliam super me, non est
me dignus. Et qui non áccipit cru-
cem suam, et séquitur me, non est
me dignus. Qui invénit ánimam
suam, perdet illam: et qui perdíderit
ánimam suam propter me, invéniet
eam. Qui récipit vos, me récipit:
et qui me récipit, récipit eum, qui
me misit. Qui récipit prophétam in
nómine prophétæ, mercédem pro-
phétæ accípiet: et qui récipit jus-
tum in nómine justi, mercédem
justi accípiet. Et quicúmque potum
déderit uni ex mínimis istis cálicem
aquæ frígidae tantum in nómine
discípuli: amen, dico vobis, non
perdet mercédem suam.

Offertorium Ps. 8, 6-7 Glória et
honóre coronásti eum: et consti-
tuísti eum super ópera mánuum
tuárum, Dómine.

Secreta

Múnera nostra, Dómine, méritis
beáti Demétrii Mártiris tibi,

quæsumus, reddántur accépta: et
nosmetípsi gratum tibi efficiámur
sacrificíum. Per Dóminum.

Pro S. Birgitta

Secreta

Accépta tibi sit, Dómine, sacrátæ
plebis oblátio pro tuórum ho-
nóre Sanctórum: quorum se méri-
tis de tribulatióne percepísse cog-
nóscit auxílium. Per Dóminum.

Communio Matth. 16, 24 Qui vult
veníre post me, ábneget semetíp-
sum, et tollat crucem suam, et se-
quátur me.

Postcommunio

Puríficet nos, quæsumus, Dómi-
ne, cæléstis mensæ libátio: et
intercedénte beáto Demétrio Már-
tyre tuo; ad vitam nobis proficiat
sempitérnam. Per Dóminum.

Pro S. Birgitta

Postcommunio

Satiásti, Dómine, famíliam tuam
munéribus sacris: ejus, quæ-
sumus, semper interventióne nos
réfove, cujus sollémnia celebrámus.
Per Dóminum.

Die 5 Novembris

Sacrarum Reliquiárum

quæ in Ecclesiis Archidiócesis as-
servantur.

Missa Multæ tribulatiónes, ut in
Proprio Missarum pro aliquibus
locis in fine Missalis.

**Et fit Commemoratio Octavæ Om-
nium Sanctorum ac dicitur Credo,
ratione Octavæ.**

MISSÆ PROPRIÆ
PRO PARTICULARIBUS ECCLESIIS
ARCHIDIOECESIS ZAGREBIENSIS

I Missæ in honorem D. N. J. C.

In Dedicatione propriæ Ecclesiæ

Missa Terribilis, de Communi Dedicationis Ecclesiæ.

Patientis Jesu

(Dominica de Passione)

Missa Dominicæ de Passione.

Sanctissimi Redemptoris

(Die 23 Octobris)

Missa propria in fine Missalis pro aliquibus locis.

II Missæ in honorem B. M. V.

In Desponsatione

B. Mariæ V. cum S. Joseph

(Die 23 Januarii)

Missa propria in fine Missalis pro aliquibus locis.

Purissimi Cordis B. M. V.

(Sabbato post Oct. Corp. Christi)

Missa propria in fine Missalis pro aliquibus locis.

In Translatione

Almæ Domus B. Mariæ V.

(Die 10 Decembris)

Missa propria in fine Missalis pro aliquibus locis.

III Missæ in honorem Sanctorum

Die 15 Januarii

S. Mauri Abbatis

Missa Os justi, de Communi Abbatum.

Die 6 Februarii

S. Dorotheæ Virg. et Mart.

Missa Me expectavérunt, de Communi Virginum 2 loco.

Die 9 Februarii

S. Apolloniæ Virg. et Mart.

Missa Loquébar, de Communi Virginum 1 loco.

Die 16 Februarii

S. Julianæ Virg. et Mart.

Missa Me expectavérunt, de Communi Virginum 2 loco.

Die 15 Maji

S. Isidori Agricolæ, Conf.

Missa propria ut in fine Missalis pro aliquibus locis.

Die 16 Maji

S. Joannis Nepomuceni Mart.

Missa propria in fine Missalis pro aliquibus locis.

Die 22 Maji

S. Helenæ Virginis**Missa Vultum tuum, de Communi Virginum 4 loco.**

Die 25 Maji

S. Urbani Papæ et Martyris**Missa Protexisti, de Communi Martyrum Tempore Paschali 1 loco cum Orationibus ut in Missali sub hac die.****Extra Tempus Paschale Missa ut in Missali eadem die.**

Die 30 Maji

S. Ferdinandi Regis, Conf.**Missa Justus, de Communi Confessoris non Pontificis 2 loco, præter Orationem, quæ habetur in fine Missalis pro aliquibus locis.**

Die 31 Maji

S. Petronillæ Virginis**Missa Vultum tuum, de Communi Virginum 4 loco.****Feria VI post Octavam Ascensionis****S. Boni Latronis Conf.****Introitus Gal. 6, 14**

Nos autem gloriári opórtet in Cruce Dómini nostri Jesu Christi: in quo est salus, vita et resurrectio nostra: per quem salváti et liberáti sumus, allelúja, allelúja. **Ps. 66, 2** Deus misereátur nostri, et et benedícat nobis: illúminet vultum suum super nos, et misereátur nostri. **V. Glória Patri.**

Oratio

Omnípotens et miséricors Deus, qui justíficas ímpios, te supplices exorámus: ut nos benígno

intúitu, quo Unigénitus tuus beátum traxit Latrónem, ad dignam pæniténtiam próvoces; et illam, quam ei promísit, tríbuas nobis glóriam sempitérnam. Per eúndem Dóminum nostrum.

Léctio Isaíæ Prophétæ**Is. 59, 1-4**

Ecce, non est abbreviáta manus Dómini, ut salváre néqueat, neque aggraváta est auris ejus, ut non exáudiat: sed iniquitátes vestræ divisérunt inter vos et Deum vestrum, et peccáta vestra absconderunt fáciem ejus a vobis, ne exaudíret. Manus enim vestræ pollútæ sunt ságuine, et dígití vestrí iniquitáte: lábia vestra locúta sunt mendácium, et lingua vestra iniquitátem fatur. Non est, qui invo-cet justítiam, neque est, qui júdicet vere: sed confídunt in níhilo, et loquúntur vanitátes: concepérunt labórem, et peperérunt iniquitátem.

Allelúja, allelúja. **V. Ps. 95, 10** Dícite in géntibus, quia Dóminus regnávít a ligno. Allelúja. **V.** Dulce lignum, dulces clavos, dúlcia ferens póndera: quæ sola fuísti digna sustinére Regem cælórum et Dóminum. Allelúja.

**Sequéntia sancti Evangélíi secúndum Lucam****Luc. 23, 39-43**

In illo témpore: Unus de his, qui pendébant, latrónibus blasphemábat Jesum, dicens: Si tu es Christus, salvum fac temetípsum, et nos. Respóndens autem alter increpábat eum, dicens: Neque tu times Deum, quod in eádem damnatióne es. Et nos quidem juste, nam digna factis recípi-mus: hic

vero nihil mali gessit. Et dicébat ad Jesum: Dómine, meménto mei, cum véneris in regnum tuum. Et dixit illi Jesus: Amen, dico tibi: Hódie mecum eris in paradíso.

Offertorium Ps. 117, 16 et 17 Déxtera Dómini fecit virtútem, déxtera Dómini exaltávit me: déxtera Dómini fecit virtútem: non móriar, sed vivam, et narrábo ópera Dómini, allelúja.

Secreta

Hæc oblátio, Dómine, quæsumus, ab ómnibus nos purget offénsis: quæ in ara Crucis étiam totíus mundi tulit offénsam. Per eúndem Dóminum nostrum.

Præfatio de Cruce.

Communio Per signum Crucis de inimícis nostris libera nos, Deus noster, allelúja.

Postcommunio

Adésto nobis, Dómine, Deus noster: et, quos sanctæ Crucis lætári facis honóre, ejus quoque perpétuis defénde subsidiis. Per Dóminum nostrum.

Die 2 Junii

S. Erasmi Ep. et Mart.

Missa Sacerdótes Dei, de **Communi unius Martyris 2 loco.** (Tempore Paschali Missa Protexísti.)

Oratio

Deus, cujus virtúte beátus Erás-mus Martyr et Póntifex multa tormentórum génera superávit: fac nos, quæsumus, ejus intercessióne; univérsas insídias inimicórum nostrórum visibílium et invisibílium cum gáudio superáre, et in Christo bonis opéribus abundáre: Qui tecum vivit et regnat.

Die 16 Junii

S. Joannis Francisci Regis Confessoris

Missa propria ut in fine Missalis pro aliquibus locis.

Die 4 Julii

S. Udalrici Ep. et Conf.

Missa Sacerdótes tui, de **Communi Confessoris Pontificis 2 loco.**

Oratio

Deus, qui cónspicis, quia ex nulla nostra virtúte subsístimus: concéde propítius; ut intercessióne beáti Udalrici Confessoris tui atque Pontificis contra ómnia advérsa muniámur. Per Dóminum nostrum.

Die 15 Julii

In Divisione Ss. Apostolorum

Introitus

Ps. 138, 17

Mihi autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me et cognovísti me: tu cognovísti sessiónem meam et resurrectionem meam.

V. Glória Patri.

Oratio

Deus, qui Ecclésiám tuam distribútam per orbem terrárum, sanctórum Apostolórum prædicatione fundásti: concéde propítius; ut, quorum hodiérna die sub una celebritáte recólimus insígnia, eórum in cunctis necessitatibus nostris experiámur suffrágia. Per Dóminum nostrum.

Lectio Epistolæ beati Pauli Apostoli ad Romanos **Rom. 10, 10-18**

Fratres: Corde enim creditur ad iustitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Judæi et Græci: nam idem Dominus omnium, dives in omnes, qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo vero prædicabunt, nisi mittantur? sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio. Isaïas enim dicit: Domine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum.

Graduale Ps. 18, 5 et 2 In omnem terram exivit sonus eorum: et in fines orbis terræ verba eorum. **V.** Cæli enarrant gloriā Dei: et opera manuum ejus annuntiat firmiter.

Allelûja, allelûja. **V. Joann. 15, 16** Ego vos elegi de mundo, ut eatis et fructum afferatis: et fructus vester maneat. Allelûja.



Sequentia sancti Evangelii secundum Matthæum

Matth. 10, 16-22

In illo tempore: Dixit Jesus discipulis suis: Ecce, ego mitto

vos sicut oves in medio luporum. Estote ergo prudentes sicut serpentes, et simplices sicut columbæ. Cavete autem ab hominibus. Tradent enim vos in conciliis, et in synagogis suis flagellabunt vos: et ad præsidēs et ad reges ducemini propter me in testimonium illis et gentibus. Cum autem tradent vos, nolite cogitare, quomodo aut quid loquamini: dabitur enim vobis in illa hora, quid loquamini. Non enim vos estis, qui loquimini, sed Spiritus Patris vestri, qui loquitur in vobis. Tradet autem frater fratrem in mortem, et pater filium: et insurgent filii in parentes, et morte eos afficient: et eritis odio omnibus propter nomen meum: qui autem perseveraverit usque in finem, hic salvus erit. **Credo.**

Offertorium Ps. 44, 17-18 Constitues eos principes super omnem terram: memores erunt nominis tui, Domine, in omni progēie et generatione.

Secreta

Gloriam, Domine, sanctorum Apostolorum tuorum perpetuam venerantes: quæsumus; ut eam, sacris mysteriis expiati, dignius celebremus. Per Dominum.

Præfatio de Apostolis.

Communio Matth. 19, 28 et 29

Amen, dico vobis: quod vos, qui reliquistis omnia et secuti estis me, centuplum accipietis, et vitam æternam possidebitis.

Postcommunio.

Quæsumus, Domine, salutariis replenti mysteriis: ut, quorum sollempnia celebramus, eorum orationibus adjuvemur. Per Dominum.

Die 20 Julii

S. Margaritæ Virg. et Mart.**Missa** Me expectavérunt, **de Comuni Virginum 2 loco.****Oratio**

Deus, qui beátam Margarítam Vírginem per martýrii palmam tui regni fecísti consórtem: concéde nobis, quæsumus; ut per ejus exémpa ad te pervenire mereámur. Per Dóminum.

Secreta

Hæc víctima, quæsumus, Dómine, pro beátæ Margaritæ Vírginis oblata martýrio: et méntium nobis sanctitátem, et córporum obtíneat sanitátem. Per Dóminum nostrum.

Postcommunio

Hujus, Dómine, sacraménti perceptióne et beátæ Margaritæ Vírginis et Mártýris intercessióne: et tu in nobis manére dignáre; et nos in te vicíssim manére concéde: Qui vivis.

Eadem die 20 Julii

S. Eliæ Prophetæ et Conf.**Introitus 3 Reg 19, 10**

Zelo zelátus sum pro Dómino Deo exercítuum, dixit Eliás ad Dóminum, quia dereliquerunt pactum tuum filii Israel: altária tua destruxérunt; prophétas tuos occidérunt gládio: derelíctus sum ego solus, et quærunt ánimam meam, ut áuferant eam. **Ps. 29, 2** Exaltábo te, Dómine, quóniam suscepísti me: nec delectásti inimicós meos super me.

V. Glória Patri.**Oratio**

Præsta, quæsumus, omnípotens Deus: ut, qui beátum Eliám Prophétam tuum igneo curru mirabíliter elevátum esse crédimus; eódem interveniéntem, ad cæléstia sublevémur, et Sanctórum tuórum consórtio gaudeámus. Per Dóminum nostrum.

Léctio libri Sapiéntiæ

Eccli. 48, 1-10

Surréxit Eliás Prophéta, quasi ignis, et verbum ipsíus quasi fáucla ardébat. Qui indúxit in pópulos famem, et irritántes illum invidia sua, pauci facti sunt; non enim póterant sustinére præcépta Dómini. Verbo Dómini contínuit cælum, et dejécit de cælo ignem ter. Sic amplificátus est Eliás in mirabílibus suis. Et quis potest simíliter sic gloriári tibi? Qui sustulísti mórtuum ab ínferis de sorte mortis in verbo Dómini Dei. Qui dejecísti reges ad perníciam, et confregísti fácale poténtiam ipsórum, et gloriósos de lecto suo. Qui audis in Sina judícium, et in Horeb judícia defensiónis. Qui ungis reges ad pæniténtiam, et prophétas facis successóres post te. Qui recéptus es in túrbine ignis, in curru equórum igneórum. Qui scriptus es in judíciis témporum leníre iracúndiam Dómini, conciliáre cor patris ad filium, et restituere tribus Jacob.

Graduale 4 Reg. 2, 1 et 11 Factum est, cum leváre vellet Dóminus Eliám per túrbinem in cælum, ibant Eliás, et Eliséus de Gálgalis. **V.** Cumque incedéntes sermocinaréntur, ecce, currus igneus

et equi ignei divisérunt utrúmque: et ascéndit Elías per túrbimem in cælum.

Allelúja, allelúja. **V. 1 Machab. 2, 58**
Elías, dum zelat zelum legis, recéptus est in cælum. Allelúja.



Sequéntia sancti Evangélíi secúndum Matthæum

Matth. 17, 1-9

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum: et transfigurátus est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce, apparuérunt illis Móyses et Elías cum eo loquéntes. Respóndens autem Petrus, dixit ad Jesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíæ unum. Adhuc eo loquén-te, ecce, nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácu: ipsum audíte. Et audiéntes discipuli, cecidérunt in fáciem suam, et timuérunt valde. Et accéssit Jesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Jesum. Et descendentibus illis de monte, præcépit eis Jesus, dicens: Némini dixéritis visiónem, donec Fílius hóminis a mórtuis resúrgat.

Offertorium Jac. 5, 17-18 Elías homo erat símilis nobis passíbilis, et oratióne orávit, ut non plúeret super terrám, et non pluit annos

tres, et menses sex: et rursum orávit, et cælum dedit plúviam, et terra dedit fructum suum.

Secreta

Offerimus tibi, Dómine, hóstiam laudis in honórem sancti Elíæ Prophétæ tui: et sicut tu holocáusto suo adfuísti; ita sacrificium nostrum suscípere dignéris, ut per illud ad ætérnam mereámur perveníre lætítiam. Per Dóminum.

Communio Malach. 4, 5-6 Ecce, ego mittam vobis Elíam Prophétam, ántequam véniat dies Dómini magnus et horribilis: et convértet cor patrum ad filios, et cor filiórum ad patres eórum.

Postcommunio

Deus, qui per sanctum Angelum tuum beáto Elíæ Prophétæ tuo cibum et potum tribuísti: ipso interveniénte concéde; ut, quæ de cælésti mensa percépimus, sincéris méntibus illibáta servémus. Per Dóminum nostrum.

Die 6 Augusti

Ss. Xysti II Papæ et Soc. Mm.

Missa Sapiéntiam, de Comuni plurimorum Martyrum 2 loco.

Die 7 Augusti

S. Donati Ep. et Mart.

Missa propria in Missali sub hac die.

Die 11 Augusti

S. Philumenæ Virg. et Mart.

Missa Loquébar, de Comuni Virginum 1 loco.

Die 16 Augusti

S. Rochi **Confessoris****Introitus****Ps. 91, 13-14**

ustus ut palma florébit: sicut cedrus Libani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime.

V. Glória Patri.**Oratio**

Pópulum tuum, quæsumus, Dómine, continúa pietáte custódi: et, beáti Rochi suffragántibus méritis, ab omni fac ánimæ et corpóris contagióne secúrum. Per Dóminum nostrum.

Léctio Epístolæ beáti Pauli Apóstoli ad Corínthios

1 Cor. 4, 9-14

Fratres: Spectáculum facti sumus mundo et Angelis et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis cædimur, et instábiles sumus, et laborámus operántes mánibus nostris: maledícimur, et benedícimus: persecutióne pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo: in Christo Jesu, Dómino nostro.

Graduale Ps. 36, 30-31 Os justi meditábitur sapiéntiam, et lingua ejus loquétur júdicium. **V.** Lex Dei

ejus in corde ipsíus: et non supplantabúntur gressus ejus.

Allelúja, allelúja. **V. Ps. 111, 1** Beátus vir, qui timet Dóminum: in mandátis ejus cupit nimis. Allelúja.



Sequéntia sancti Evangélíi secúndum Lucam

Luc. 12, 35-40

In illo témpore: Dixit Jesus discípulis suis: Sint lumbi vestri præcíncti, et lucérnæ ardéntes in mánibus vestris, et vos símiles homínibus exspectántibus dóminum suum, quando revertátur a nuptiis: ut, cum vénerit et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen, dico vobis, quod præcínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam, si sciret paterfamilias, qua hora fur veníret, vigiláret útique, et non síncret pérfodi domum suam. Et vos estóte paráti, quia, qua hora non putátis, Fílius hóminis véniet.

Offertorium Ps. 20, 2-3 In virtúte tua, Dómine, lætábitur justus, et super salutáre tuum exsultábit veheménter: desidérium ánimæ ejus tribuísti ei.

Secreta

Præsta nobis, quæsumus, omnipotens Deus: ut nostræ humilitátis oblátio et pro tuórum tibi grata sit honóre Sanctórum, et nos corpore páriter et mente puríficet. Per Dóminum.

Communio Matth. 19, 28 et 29
Amen, dico vobis: quod vos, qui reliquistis omnia et secuti estis me, centuplum accipietis, et vitam æternam possidebitis.

Postcommunio

Quæsumus, omnipotens Deus: ut, qui cælestia alimenta percipimus, intercedente beato Rocho Confessore tuo, per hæc contra omnia adversa muniamur. Per Dominum nostrum.

Die 18 Augusti

S. Helenæ Imperatricis, Viduæ

Missa propria in fine Missalis pro aliquibus locis.

Die 4 Septembris

S. Rosaliæ Virg. Panormitanæ

Missa Dilexisti, de Communi Virginum 3 loco.

Oratio

Exaudi nos, Deus, salutaris noster: ut, sicut de beatæ Rosaliæ Virginis tuæ festivitæte gaudemus; ita piæ devotionis erudiāmur affectu, et ejus intercessione ab iracundiæ tuæ flagellis misericorditer liberemur. Per Dominum.

Die 12 Octobris

S. Maximiliani Ep. et Mart.

Missa Sacerdotes Dei, de Communi unius Martyris 2 loco. Evangelium: Si quis venit, ex Missa Staturit, de Communi unius Martyris 1 loco.

Die 20 Octobris

S. Vendelini Abbatis

Missa Os justi, de Communi Abbatum.

Die 31 Octobris

S. Wolfgangi Ep. et Conf.

Missa Sacerdotes tui, de Communi Confessoris Pontificis 2 loco.

Oratio

Deus, qui nobis æternæ salutis beatum Wolfgangum Episcopum ministrum tribuisti: præsta, quæsumus; ut, quem doctorem vitæ habuimus in terris, intercessorem habere mereāmur in cælis. Per Dominum nostrum.

Die 5 Novembris

S. Elisabeth

Matris S. Joannis Baptistæ

Missa Cognovi, de Communi non Virginum 2 loco.

Eadem die 5 Novembris

S. Emerici Ducis, Confessoris

Introitus

Ps. 36, 30-31



Os justi meditabitur sapientiam, et lingua ejus loquetur judicium: lex Dei ejus in corde ipsius.

Ps. ibid., 1 Noli æmulari in malignantibus: neque zelaveris facientes iniquitatem.

V. Glória Patri.

Oratio

Deus, qui beatum Emericum juvenili flore nitentem, in Sanctorum tuorum consortium sublimasti: præsta, quæsumus; ut, quem tibi fecisti esse devotum, ejus apud te perpetuum sentiamus auxilium. Per Dominum.

Lectio libri Sapientiae

Sap. 4, 7-17

Justus, si morte præoccupatus fuerit, in refrigerio erit. Senec-

tus enim venerabilis est non diuturna, neque annorum número computata: cani autem sunt sensus hominis, et ætas senectutis vita immaculata. Placens Deo factus est dilectus, et vivens inter peccatores translatus est. Raptus est, ne malitia mutaret intellectum ejus, aut ne fictio deciperet animam illius. Fascinatio enim nugacitatis obscurat bona, et inconstantia concupiscentiæ transvertit sensum sine malitia. Consummatus in brevi, explavit tempora multa: placita enim erat Deo anima illius: propter hoc properavit educere illum de medio iniquitatum: populi autem videntes, et non intellegentes, nec ponentes in præcordiis talia: quoniam grátia Dei, et misericórdia est in sanctos ejus, et respectus in electos illius. Condémnat autem justus mortuus vivos impios, et juvenus celérius consummata longam vitam injusti. Vidébunt enim finem sapientis, et non intéllegent, quid cogitáverit de illo Deus et quare muníerit illum Dóminus.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V. Ibid., 3** Ad annuntiándum mane misericórdiam tuam, et veritatem tuam per noctem.

Allelúja, allelúja. **V. Jac. 1, 12** Beátus vir, qui suffert tentatióem: quoniam, cum probátus fúerit, accípiet corónam vitæ. Allelúja.



Sequéntia sancti Evangélíi secúndum Lucam

Luc. 12, 35-40

In illo témpore: Dixit Jesus discípulis suis: Sint lumbi vestri præcincti, et lucernæ ardentes in

mánibus vestris, et vos símiles homínibus expectántibus dóminum suum, quando revertátur a núptiis: ut, cum vénerit et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen, dico vobis, quod præcínget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam, si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte parátí, quia, qua hora non putátis, Fílius hóminis véniet.

Offertorium Ps. 88, 25 | Véritas mea et misericórdia mea cum ipso: et in nómine meo exaltábitur cornu ejus.

Secreta

Oblátio, quam tibi offérimus, Dómine, nos purget ab omni crimine, quátenus per intercessiόnem sancti Emeríci Confessóris tui, cuius sacram recólimus festivitátem, ad cæléstis pátriæ assumámur hereditátem. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen, dico vobis, super ómnia bona sua constituet eum.

Postcommunio

Plebem tuam, Dómine, a cunctis adversitatibus prótege: ut, beáto Emeríco Confessóre tuo intercedente; et præsentis vitæ devitémus perícula, et futúra mereámur gáudia sempitérna. Per Dóminum.

Die 6 Novembris

S. Leonardi Conf.**Missa Os justi, de Communi Confessoris non Pontificis 1 loco.****Oratio**

Majestáti tuæ, quæsumus, Dómine, sancti Confessóris tui Leonárdi nos pia júgiter comméndet orátio: ut, quem débito venerámur obséquio; ipsíus suffrágio sublevémur optáto. Per Dóminum.

Die 13 Novembris

S. Brictii Ep. et Conf.**Missa Sacerdótes tui, de Communi Confessoris Pontificis 2 loco.****Oratio**

Deus, qui nos ánnua beáti Bríctii Confessóris tui atque Pontíficis sollémnia venerári concédís: præsta, quæsumus; ut et devótis ea méntibus celebrémus et, ejus patrocínio promerénte, véniam et indulgéntiam nostrárum culpárum adipísci mereámur. Per Dóminum.

Eadem die 13 Novembris

S. Stanislai Kostkæ Conf.**Missa propria ut in fine Missalis pro aliquibus locis.**

Die 4 Decembris

S. Barbaræ Virg. et Mart.**Missa Loquébar, de Communi Virginum 1 loco.**

Die 25 Decembris

S. Anastasiæ Martyris**(Reponitur ad diem 29 Decembris)****Missa Me exspectavérunt, de Communi Virginum 2 loco, cum Orationibus in 2^a Missa Nativitatis Domini.**

Missæ de Festis Patronorum et Titulorum, qui in universali Ecclesia celebrentur, in ipso Missali reperiuntur. Missæ aliorum Festorum propriorum, quæ non habeantur in hoc Proprio, sumuntur de Communi.



Index alphabeticus omnium Festorum propriorum

Missæ propriæ pro universa Archidiœcesi:

Augustini Cazzotti Ep. et Conf. 3 Aug.	pag. 9*
Cyrilli et Methodii Epp. et Cc. 5 Julii	7*
Dedicatio Eccl. Metrop. 25 Aug.	12*
Demetrii Mart. 8 Oct.	14*
Floriani Mart. 4 Maji	3*
Ladislai Reg., Conf. 27 Junii	6*
Marci Crisini Mart. 7 Sept.	13*
Quirini Ep. et Mart. 4 Junii	4*
Reliquiarum Sacrarum. 5 Nov.	15*
Stephani Reg., Conf. 20 Aug.	10*

Missæ propriæ pro particularibus Ecclesiis:

I In honorem D. N. J. C.

Dedicatio propriæ Ecclesiæ	16*
Patientis Jesu. Dominica de Passione	16*
Redemptoris Sanctissimi. 23 Oct.	16*

II In honorem B. Mariæ V.

Cordis Purissimi. Sabb. post. Oct. Corp. Christi	16*
Desponsatio. 23 Jan.	16*
Domus Almæ Translatio. 10 Dec.	16*

III In honorem Sanctorum

Anastasiæ Mart. 25 Dec.	25*
Apolloniæ Virg. et Mart. 9 Febr.	16*
Barbaræ Virg. et Mart. 4 Dec.	25*
Briccii Ep. et Conf. 13 Nov.	25*

Divisionis Ss. Apostolorum. 15 Julii	pag. 18*
Donati Ep. et Mart. 7 Aug.	21*
Dorotheæ Virg. et Mart. 6 Febr.	16*
Eliaæ Prophetæ et Conf. 20 Julii	20*
Elisabeth, Matris S. Joannis Bapt. 5 Nov.	23*
Emerici Ducis, Conf. 5 Nov.	23*
Erasmi Ep. et Mart. 2 Junii	18*
Ferdinandi Reg., Conf. 30 Maji	17*
Helenæ Imperatricis, Vid. 18 Aug.	23*
Helenæ Virg. 22 Maji	17*
Isidori Agricolaæ, Conf. 15 Maji	16*
Joannis Francisci Regis, Conf. 16 Junii	18*
Joannis Nepomuceni Mart. 16 Maji	16*
Julianæ Virg. et Mart. 16 Februarii	16*
Latronis Boni Conf. Fer. VI post Oct. Ascensionis	17*
Leonardi Conf. 6 Nov.	25*
Margaritæ Virg. et Mart. 20 Julii	20*
Mauri Abb. 15 Jan.	16*
Maximiliani Ep. et Mart. 12 Oct.	23*
Petronillæ Virg. 31 Maji	17*
Philumenæ Virg. et Mart. 11 Aug.	21*
Rochi Conf. 16 Aug.	22*
Rosalie Virg. Panormitanæ. 4 Sept.	23*
Stanislai Kostkæ Conf. 13 Nov.	25*
Udalrici Ep. et Conf. 4 Julii	18*
Urbani Papæ et Mart. 25 Maji	17*
Vendelini Abb. 20 Oct.	23*
Wolfgangi Ep. et Conf. 31 Oct.	23*
Xysti II Papæ et Soc. Mm. 6 Aug.	21*